

Tógbham croch i ndeaghaidh Dé

[McKenna, Lambert: *Philip Bocht Ó hUiginn*, Dublin, 1931, poem 23]

1 Tógbham croch i ndeaghaidh Dé
tearc dhínn dá bhféaghthaoi ar bhfínné
re a ghualainn más eadh as áil
fear nach tualaing a tógbháil.

2 Maithtear is mór an sochar
muna fhéada a hiomachar
a chion gémadh coir ghránda
d'fhior ar thoil a tógbhála.

3 A-tá a fhlaithes 'n-a láimh féin
an bocht do bhreith an tsoisgéil
pian agus a luach i láimh
ní budh ciall fuath dá fagháil.

4 Dá mbeinn choidhche fan gcroichse
ní budh adhbhar athtoirse
buan an toil as cóir dá cionn
an ghlóir ar nach foil foirchionn.

5 Ní foláir go bhfuil ar mh'aoidh
iomchar croiche 'n-a chomaoin
an crannsa dia do dhochar
Dia ar m'annsa dá iomachar.

6 Dár gceannach i gcró an asail
téid i gcoinne an cheasdasain
an damh an é nach eagail
dá char is é i n-éinleabaidh

7 Seacht mbliadhna buan an fuireach
i gcaidreabh na gcomhuidheach
do bhí saor na cruinne ar ceilt
's a bhuime ar-aon san Éighipt.

8 Ó gheineamhain go a ghabháil
gan anshochair d'iongabháil
dár gcoimhead do bhí i mbochtacht
foighéag í dá anshochracht.

9 Inniltir cealg 'n-a chomhair
gan chúis mar do chualabhair
achd éad ag a ríoghaibh ris
Íobhail ar mhéad a mhaithis.

10 Do hionnaltaoi as a fhuil féin
do chnéis iodhain an fhíréin
d'eagla an bháis do bhí 'n-a dháil
achd gér bh'í a áis a fhagháil.

11 Gá beag mar do bhí Peadar
d'fhiadhnaise ar a airteagal
do chaoi ar ndéanamh a ndearna
séanadh fa [thaoi] an tighearna.

12 Nír an tar éis na sgainnreach
fear cumainn ná comhairleach
achd Eoin ar n-a chur san chroich
i mbun an eoin dár n-éanlaith.

13 A bhrágha ní fhuair ionadh
ós chionn cíche an dúiliomhan
bann do bhí tar an gcroichse
dí is gan chrann 'n-a caomhthaighse.

14 Na buinn nír bheag an dochar
éantairnge gá n-iomachar
ar an gcló 's nach raibhe rinn
gan aire dhó ní dhilighfinn.

15 Do budh cuimhnighthe ó chridhe
choidhche ar fheadh ar n-aimsire
an chorbhas do bhaoi fan mbior
domblas aoi gin gur hibheadh.

16 Tar éis a lámh do leathadh
tugadh truagh an tinneachadh
gach aonalt as a ionadh
do dhaonnacht an dúiliomhan.

17 Do breathnuigheadh don bhanóigh
cuid eile dá easanóir
achd an grás ag gabháil ris
bás d'fhagháil ar a aithris.

18 A fhaicsin don óigh iodhain
fa dhochar don dúiliomhain
slighe dhearg beara na mbonn
cneadha dealg an dá dhearnann.

19 A chréachta d'áireamh uile
ní budh obair éanduine
gan lot háis éigin ar mh'éis
a pháis ní héidir d'fhaisnéis.

20 Do loigh fa lór do bhochta
i n-adlocadh iasachta
ní fhuair gár bh'uille dímheas
don chruinne acht uaidh aindíleas.

21 A-tá sinn ó sin i le
ar íosa ag imirt péine
dá áis do chuaidh isan gcrann
a dhá pháis uaidh ní hionann.

22 Reacht Dé ní dearbhadh feasa
ar fhoráil m'fhir aimhleasa
do chuir mé ar neimhní a-nallain
leithrí dhé go ndearnamair.

23 An mhaith do dhul gan déanaimh
leanfaidh sé i ló an taiséanaidh
san bhráth re cois bhar gceana
a-nois tráth a thuigseana

21 Do féadfaighthe nach fuighthe
fala ar locht lá an mheasruighthe
usa an fholasa d'fhagháil
gidh orusa a hiongabháil.

25 Mithidh do mhac ar seathar
ní tráth m'éigean d'fhailleachadh
mé an fiadh i ngar an ghadhair
srian do char rem chéadfadhaibh.

26 Cinnte an bás do bheith 'n-ar gcionn
's ní headh an uair fá bhfuigheam
moch do caithfidhe ar dá chor
croch na haithrighe d'iomchar.

27 Do hiomchradh croch eacht eile
thall i dtús na haimsire
múnadh an eoil dhírigh dhúinn
do bhríghibh sgeoil an sgríobtúir.

28 Neach re n-abrar Apra-hám
tug do Dhia umhla iomlán
fear le mbeirthe buaidh na locht
fa truaille fheithmhe don umhlocht

29 Do bhí éanmhac ag an fhior
nar chumhgaigh cíos a shinnsear
an fád fan gcíossa do chuir

Íosa-ág mar a athair.

30 Nir bh'iongnadh géire a ghrádha
dó tar éis a fhaghála
mac soin fa fada go bhfríoth
mac gan toil aga d'eissíoth.

31 Siridh Dia lá éigin air
iodhbairt a éinmhic ionmhain
ré athchuingidh nír fhuirigh
an athchuingidh aontuighidh.

32 A dhícheall nó go ndearna
do thionnsgain don tighearna
'n-a cheann acht gidh cia do chuir
ar gheall do Dhia gér dheacair.

33 Do chuaidh gá céim budh dhocra
i n-ionadh na hiodhbarta
an mac nír mharbh acht ó thoil
's do ghlac a arm an t-athair.

34 Tug Dia aiseag a oidhre
dhó ar ndearbhadh a chomhairle
a bhuille agus sí ar slighidh
do ní uirre a fhóiridhin.

35 Apra-hám ó Dhia na ndúl
an mac fa mór an claochlúdh
feoil eile fhuair ar a shon
an teine an uair do hadhnadh.

36 Do bhí go mbriathraibh molta
ag altóir na hiodhborta
mac Dé ag fuireach re a faigsin
buidheach é don iodhbairtsin.

37 Gaineamh is réatlanna a-raon
do gheall Dia tresan deaghthaom
a ríomh go raghadh tairsibh
síol an athar uasailsin.

38 Don tsliocht do fhás 'n-a ionadh
máthair mheic an dúiliomhan
do fhill 'n-a huaisleacht ortha
guaisbheart a gcinn chunnartha.

39 Íosa-ág is Apra-hám
athair an mhic 's a mhacámh

ni sgéala sochaithmhe sin
fréamha cothaighthe an chréidimh

40 Re hoidhre nDé a-déara me
ní cóir gan bhreith a bhuidhe
gan achd cnú a-mháin san mhogal
is báidh tú dá theasrogadh.

41 Pian teineadh is airm ar-aon
mó do thuill mé iná an macaomh
nír fhearr fa ghrás tú ar tosaigh
a-tú san gcás gcéadnasain.

42 A hucht do dheaghmáthar dhamh
tabhair dom breith ón bhaoghal
a chroinn chumhra dár gcoillidh
roinn dot umhla acfoinnigh.

43 Cuimhnigh dá bráithribh bochta
i n-anóir a humlochta
ól núsa a cíogh dár gcoimhdhe
a fhíon túsa an tábhairne.

44 A thréan thraothas an umhla
a ughdair na healadhna
a éigean nach cás do chlódh
a ghrás nach éidear d'iompódh

45 A rún gan neach a nochta
a dhígheann na diadhochta
a dhiamhair nach fríoth le fáidh
a shíoth nach iarraidh d'fhagháil.

46 A thonn robharta ar roineart
a charraig ar chobhsoidheacht
a thréanlámh an uile fhear
a éanghrádh Muire maighdean.

47 A choill ag cur a measa
a long fa lucht maitheasa
a dhoruis dhúin na sláinte
a rúin sholais shíotháilte.

48 A chomhla ar nach cuirthear glas
a lóchrann na sé solas
a leinb bhádhaigh ón Bheithil
sáraigh t'fheirg dom fhóireithin.

49 A lámh nach lámh tar threise

croch éigin ar th'aithrisse
cuir fa chuing an croidhe dall
do dhruim toile go dtógbham. T.

50 Míchéal is an bráthair bocht
shaoilim re n-éag dom fhortocht
m'imirce ní snaidhm mar so
a n-airm inillte ortho. Tóg.